

بِسْمِ اللَّهِ الرَّحْمَنِ الرَّحِيمِ ؕ

نَحْمَدُهُ وَنُصَلِّي عَلَى رَسُولِهِ الْكَرِيمِ ؕ

الْحَمْدُ لِلَّهِ رَبِّ الْعَالَمِينَ-

وَالصَّلَاةُ وَالسَّلَامُ عَلَى رَسُولِهِ مُحَمَّدٍ وَآلِهِ وَأَصْحَابِهِ أَجْمَعِينَ ؕ

“Sva hvala pripada Allahu, Gospodaru svih svjetova; mir i blagoslov neka su na Njegovog vjerovjesnika Muhammeda, s.a.v.s., i na cijelo njegovo potomstvo i ashabe.”

هُوَ الَّذِي أَرْسَلَ رَسُولَهُ بِالْهُدَى وَدِينِ
الْحَقِّ لِيُظْهِرَهُ عَلَى الدِّينِ كُلِّهِ وَلِنُكْفِرَهُ
الْمُشْرِكُونَ ﴿٥﴾

“On je Onaj (Allah) koji je poslao poslanika s uputom na pravi put i vjerom istine da je uzdignete iznad svih vjera, makar to mrzili idolopoklonici.” (Saf. 9)

Draga braćo i sestre!

Tema mog govora za današnji sastanak, jeste šta je Ahmadija džemat doprinio ljudima i čovječanstvu uopće.

Obično ne-Ahmadi muslimani postavljaju pitanje šta je Ahmadija džemat učinio ili dao ovom svijetu i ljudima? Oni smatraju i kažu: “Ako je Ahmadijat donio novu religiju ili ikakvu izmjenu u islamu, onda ljudi uopće ne trebaju uzimati učešća u tome. Ako nam je Ahmadijat donio islam kakav već imamo, onda nema razlike, i nema razloga da li da to prihvatimo ili ne.” Odgovor na prvo pitanje je da Ahmadijat nije dao svijetu ništa osim stvarnog islama i da nije promijenio ni najmanjeg znaka od religije Muhammeda, s.a.v.s. Odgovor na drugo pitanje jeste da je Ahmadijat dao samo islam, ali ne islam kojeg su

muslimani podijelili u 72 sekte ili 72 vrste islama. Ahmadija džemat daje svijetu islam koji je na srce bio objavljen našem poslaniku Muhammedu, s.a.v.s. Onda je na vama da uvidite razliku između ovog islama kojeg predstavlja Ahmadija džemat i svih tih različitih islama kojeg predstavljaju različite sekte ili grupe u islamu.

Kada je osnovan Ahmadija džemat, Jedini Bog – Allah, bio je isti, Poslanik je bio isti, Knjiga je također bila ista. Nije bilo nikakve promjene imena, ali su muslimani potpuno promijenili razumijevanje o svim ovim stvarima, gledano i pojedinačno i zajedno. Lice islama koje je u ovo vrijeme bilo predstavljeno svijetu, nije lice islama koje je objavljeno Muhammedu, s.a.v.s. To je bilo iskrivljeno lice islama s nakupljenim nečistoćama na njegovom čistom licu i ta slika je bila potpuno drugačija od slike islama objavljenog našem Poslaniku. Da ostavimo po strani neprijatelje islama. U samom islamu je bilo ljudi koji su promijenili mnoga vjerovanja. Tako su ljudi, umjesto vjerovanja, slušali i prihvatili priče bez prave suštine i bitnih stvari. Naprimjer, vjerovanje o prethodnim poslanicima: mnogo je priča o njima od kojih mnoge nose odvratne i neprihvatljive neisitine, zatim vjerovanje o melecima; umjesto Tevhida – Božijeg Jedinstva počeli su širiti *širk* – pripisivanje partnera Bogu. S jedne strane oni su umanjili Božiju moć tvrdeći da Bog sada ne može govoriti, a s druge strane pripisuju toliku moć nekim ljudima, vjerujući da oni mogu dati život mrtvima. Među muslimanima su se pojavili ljudi koji su imali svoje grupe sljedbenika i tvrdili su da su u stanju i da imaju moć upravljati time kakvo će se dijete roditi – muško ili žensko; te da poslije njihove smrti njihovi grobovi postaju mjesta za posjetioce koji tamo odlaze, čine sedždu i traže pomoć od ovih mrtvih tijela. Sve ovo se događa u ime vjere islama. U ime islama čiji poslanik je savjetovao muslimane prije svoje smrti: *“Nemojte praviti moj grob mjestom klanjanja – obožavanja.”* Dok su jedni otišli u ovakvu krajnost, drugi opet, iako su protiv ovakvog klanjanja grobovima svojih mrtvih pobožnih vođa, svojim stavom da je Muhammed, s.a.v.s., samo običan čovjek, ne pokazuju poštovanje prema njegovoj uzvišenoj ličnosti i

veličanstvenoj zadaći koju je obavio donoseći čovječanstvu savršeni zakon od Boga. Oni uz to tvrde i vjeruju da je Isa, a.s., negdje na nebu svih 2000 godina od svoje smrti i da ne podliježe ni gladi ni žeđi, tj. da nema nikakvih odlika ljudskog bića, iz čega jasno proizlazi da on ima odlike duhovnog bića koje ne podliježe tim ljudskim karakteristikama kao da je, neuzbillah, bog. Pored toga, muslimane je zadesilo hiljade drugih problema. Jedinstvo je već dugo nestalo. Muslimani su bili podijeljeni u mnoge sekte, razjedinjeni i među sobom zavađeni. S druge strane, islam je bio napadnut od svih drugih religija. U ovim i ovako opasnim noćima (kad se na muslimane spustila svaka vrsta mraka) svjetlo se počelo rađati iz malog grada Kadijana. Ovo svjetlo, koje će postepeno osvijetliti cijeli svijet nurom Muhammeda, s.a.v.s., jeste Ahmadijat. Ahmadijat nije došao s nekim novim islamom. Ahmadijat je došao da uništi svaku vrstu novog islama i da vrati na Zemlju i među ljude islam kojeg je donio Muhammed, s.a.v.s. Lijek za probleme svih vremena je (i može biti) samo od Muhammeda, s.a.v.s. Bog je poslao hazreti Mirzu Ghulam Ahmada za muslimane da on između njih presudi o njihovim razlikama i Bog je poslao Mesihi-Muhammeda da on slomi krst i da izbori pobjedu za islam – da on osnuje Zajednicu koja će se poslije njegove smrti boriti za pobjedu islama u cijelom svijetu. Za ovo kratko vrijeme ja ne mogu iznijeti sve ono šta je Ahmadija džemat učinio za ljude i muslimane u ispravljanju njihovih pogrešnih vjerovanja, ali ću navesti nekoliko primjera. U Časnom Kur'anu Allah kaže:

وَإِذَا سَأَلَكَ عِبَادِي عَنِّي فَإِنِّي
 قَرِيبٌ ۖ أُجِيبُ دَعْوَةَ الدَّاعِ إِذَا
 دَعَانِ ۗ فَلْيَسْتَجِيبُوا لِي وَلْيُؤْمِنُوا بِي
 لَعَلَّهُمْ يَرْشُدُونَ ﴿١٨٢﴾

“A kada te zapitaju moji robovi o Meni, reci im: Ja sam zaista blizu. Odazivam se molitvi onoga koji (Me) zove. Neka se odazivaju Meni i neka Me vjeruju da bi bili upućeni na pravi put.” (Al-Bekara: 187)

To znači da je naš Bog živ i da On sluša naše molitve i daje odgovor na naša obraćanja. Ali, nažalost, kad su muslimani bili u mraku oni su počeli vjerovati da nije moguće da Bog prenese Svoju Objavu bilo kojem ljudskom biću; počeli su vjerovati takvog Boga, koji je bio živ u vrijeme Adema, Ibrahima, Nuha, Musaa i Isaa, a.s., i Muhammeda, s.a.v.s., i koji je poslao Objavu ovim ljudima a sada šuti. I da taj Bog koji je govorio tim ljudima sada više ne govori, bez obzira u kakvim se teškoćama ljudi nalazili i koliko molili Boga za Njegovu pomoć. Nažalost, među muslimanima su bili takvi poglavari koji su muslimanima govorili da od dove nema nikakve koristi. U to vrijeme iz Kadijana je došao ovaj glas i on je muslimanima dao radosnu vijest. Obećani Mesija, a.s., objasnio je svijetu da je Bog islama živi Bog i da ima neograničene moći, da svi Njegovi atributi i dalje djeluju i da i danas On šalje Svoju Objavu kome On hoće od Svojih sluga. Obećani Mesija je pokazao sebe kao živi znak te istine. On je pozvao i izazivao sve religije svijeta svojim dokazom i tvrdnjom da je islam jedina ispravna vjera i, ako bilo koja osoba iz bilo koje religije tvrdi da je njihova vjera istinitija, neka se javi s argumentima da to dokaže, i uvidjet će da će istina biti na strani njegove tvrdnje o veličanstvenosti islama. On je za ovu tvrdnju pozvao cijeli svijet i rekao:

“Kako je, zaista, nesretan čovjek koji čak ne zna da postoji Bog koji ima moć nad svim stvarima. Naš Džennet, zaista, naš je Bog. Naš najveći užitek je u Bogu, jer mi smo Ga vidjeli i našli svu ljepotu u Njemu. Ovo blago je vrijedno sticanja, čak po cijenu gubitka života, i ovo je dragulj vrijedan pazara pa čak iako se mogao dobiti jedino žrtvovanjem cijelog bića. O, vi koji ste lišeni, požurite ovom vreli, jer on će utoliti vašu žeđ. To je vrelo života koje će vas spasiti. Šta treba da uradim, i kako da ove radosne vijesti utisnem u vaš um, s kojim bubnjem da idem onaokolo uzvikujući ulicama da je ovo vaš Bog, da bi vi čuli! I kojim mehlemom da liječim ljude da se njihove uši otvore da slušaju (i čuju).”

(‘Kišti-e-Nuh’ – Nuhova lađa)

Nekoliko hiljada ljudi je došlo kod njega i poslušalo njegov glas i utolilo svoju duhovnu žeđ pijući sa ove fontane. Nekoliko hiljada ljudi pronašlo je svog Boga na ovom svijetu. Najveća blagodan koju je Ahmadijat donio svijetu je ta. Osim Ahmadi muslimana ne postoji niko u svijetu ko ima takvo vjerovanje u živog Boga, i takvo vjerovanje da On sluša naše molitve.

Ne može nijedan čovjek uspjeti ako ne prihvati Muhammeda, s.a.v.s. Nažalost, muslimani mračnog doba su umanjili veličinu i uzvišenost Muhammeda, s.a.v.s. Najveća čast za Muhammeda, s.a.v.s., iz Časnog Kur'ana je da je on *Hatam-an Nabiiyyin*, što znači 'Pečat poslanika'. Nema nijednog poslanika koji je ravan njemu u ovoj tituli. Riječ *Hatam* ima nekoliko značenja. No, ako samo uzmemo značenje da je to 'onaj ko je zadnji', onda je Muhammed, s.a.v.s., mogao biti zadnji na dva načina:

1. u fizičkom smislu, tj. ako je u vrijeme Muhammeda, s.a.v.s., ili prije njega bio ikakav poslanik živ, on će umrijeti prije Muhammeda, s.a.v.s., tako da on bude zadnji, i

2. u duhovnom smislu, tj. da je Muhammed, s.a.v.s., dovršio (i upotpunio) blagodati koje su donijeli svi prethodni poslanici i bilo ko može postići duhovnu dobrobit i napredak jedino kroz njega.

Međutim, pogledajte okrutnost muslimana s takozvanim vjerovanjem u Isaa, a.s., da je na nebu a opet će se pojaviti (nezul). Time oni odbijaju oba ova značenja riječi *Hatam-an Nabiiyyin* i na taj način ne poštuju i ne odaju čast Muhammedu, s.a.v.s. Iz ovog vjerovanja proizlazi da Muhammed, s.a.v.s., nije mogao biti zadnji ni fizički ni duhovno. Zato što to njihovo vjerovanje kaže da je Isa, a.s., bio živ kad je Muhammed, s.a.v.s., dobio poslanstvo i postao Božiji poslanik a i da je još do danas živ. U duhovnom smislu ovo vjerovanje znači da Muhammed, s.a.v.s., nije bio u stanju da upotpuni njegove blagodati i da su se čak blagodati Isaa, a.s., povećale jer je u prvom svom dolasku on bio poslanik samo za Izrael, dok će, po njima, njegov drugi dolazak biti za čitav islamski svijet. U kasnijem dobu, kad ummet

Muhammeda, s.a.v.s., bude u velikoj opasnosti Isa se očekuje da ih spasi. Ovo je jedno od najopasnijih vjerovanja koje muslimani prihvataju bez ikakvog razmišljanja i razumijevanja šta to ustvari znači. Ahmadijat je došao i vodi vrlo uspješan džihad protiv ovog pogrešnog vjerovanja koje je protiv časti Muhammeda, s.a.v.s. Ahmadija džemat dokazuje s jakim argumentima iz Kur'ana i hadisa da je Isa, a.s., umro, i jasno dokazuje da taj Mesih, koji će se pojaviti u ummetu Muhammeda, s.a.v.s., nije stari Mesija, nego da je on sluga Muhammeda, s.a.v.s. No, on je ovo ime dobio samo zbog sličnosti sa starim Mesijom.

Ostali muslimani vjeruju, kad su neprijatelji Isaa, a.s., htjeli da ga ubiju, da ga je Bog uzdigao na nebo i da ga je tako spasio. Onda mi njih pitamo zašto Bog nije pokazao ovakvu čast i ljubav prema Muhammedu, s.a.v.s.? On je svoj život proveo suočavajući se s brojnim teškoćama i velikim opasnostima. Naprimjer, njegovi neprijatelji su na njega bacali kamenje, gađali ga iz pračke za gađanje ptica; njegovo nevino tijelo ranjavali sabljom... Zašto Bog nije pokazao Svoju ljubav prema Svom najdražem Poslaniku kakvu je pokazao prema Isau, a.s.? Zašto Bog nije otvorio vrata prema nebu kad je Muhammed, s.a.v.s., prolazio kroz nepodnošljive teškoće u bitkama na Uhudu, Taifu i Huneinu? Čak i kršćani mogu postaviti pitanje islamskim vođama da im odgovore ko je draži Bogu: Onaj koji je ostao na ovoj zemlji i ko je prošao kroz sve teškoće ili onaj koji je, nakon jedne teškoće, molio Boga i bio uzdignut na nebo? I onda je on na nebu 2000 godina i svi čekaju na njegov dolazak. Oni ova pitanja mogu postavljati svim muslimanima koji imaju ovakvo vjerovanje. Ummet Muhammeda, s.a.v.s., podijelio se među sobom i ko će onda biti sudac među njima? Šta će biti kad dođe *DEDŽAL* i kad osvoji cijeli svijet i uništi sve religije, i čak stane protiv islama sa željom da uništi islam? Ko će onda biti Božiji čovjek koji će spasiti islam i muslimane? Ko će ubiti *DEDŽALA* i ko će spasiti svijet od takvih opasnosti s kojim se nikada ranije u svojoj prošlosti nije suočio? Da li je spasilac svijeta i muslimana

Muhammed, s.a.v.s., ili neki njegov sluga ili Isa, a.s.? Ako je Isa taj koji će biti spasitelj, po njihovom vjerovanju, onda vidite ko je bolji spasilac – Muhammed, s.a.v.s., ili Isa? Ahmadijat se pojavio i pojasnio da je ovo vjerovanje protiv časti islama i protiv časti Muhammeda, s.a.v.s., i Ahmadijat je spasio muslimane od ovog pogrešnog vjerovanja, i objasnio da ummet Muhammeda, s.a.v.s., ne treba nikakvu pomoć, nego da ummet drugih naroda treba pomoć od ummeta Muhammeda, s.a.v.s., jer jedini put za spas mogu naći kroz slijeđenje Muhammeda, s.a.v.s. Ahmadijat je pojasnio da, kad bude veliki nered i kad se pojavi DEDŽAL, neće biti spasitelj jedan poslanik Izraela, nego će spasitelj biti sluga Muhammed, s.a.v.s., koji će argumentima ubiti DEDŽALA. Ahmadijat je svijetu objasnio da Muhammed, s.a.v.s., jeste *Hatam-an Nabiyyin*. Poslije njegovog dolaska blagodati ostalih poslanika su zauvijek završene. Njihovi poslanici ne mogu više dobiti nikakvu dobrobit za svoj ummet. Kako je onda moguće da među njima bude neki koji će dati blagodat ummetu Muhammeda, s.a.v.s.? Ovo se ne može dogoditi; ovo se ne može dogoditi! Danas je ummetu Isaa, a.s., za spas potrebna pomoć sluga Muhammeda, s.a.v.s., zato što svaka vrsta duhovnosti potječe od Muhammeda, s.a.v.s., i njegovih sluga. Sve blagodati su usavršene i dovršene kroz Muhammeda, s.a.v.s., i samo ako njega slijedi, čovjek može dobiti spas.

Časni Kur'an je jedna završena i savršena Knjiga koju je Muhammed, s.a.v.s., dobio za cijelo čovječanstvo. Niko ne može mijenjati niti jednu tačku Časnog Kur'ana do Sudnjeg dana. Ali, vremenom su neki učeni ljudi postavili neke sumnje u vezi s Časnim Kur'anom. Npr., da su neki ajeti nevažeci (da više ne važe), te je u neko vrijeme broj ovakvih ajeta dostigao 500. Ovo je bilo najveće nepoštivanje Časnog Kur'ana i ovo je napad na Kur'an. Kroz ovako vjerovanje cijeli Kur'an može biti sumnjiv. Ako jedna osoba nije razumjela neki ajet, proglašavala ga je nevažecim; neko drugi nije razumio neki drugi i također ga je proglašavao nevažecim, i onda cijela Knjiga postaje nesigurna. Nažalost, ovako se dogodilo s Knjigom koja na svom početku tvrdi:

ذَلِكَ الْكِتَابُ لَا رَيْبَ فِيهِ

“Ovo je Knjiga u koju nema nikakve sumnje.”

(Bekara: 3)

Ahmadijat je došao da Časni Kur'an očisti od ovakve vrste tvrdnji i osnivač Džemata je proglasio: “Što se tiče Časnog Kur'ana ja tvrdim da nema niti jedne tačke koja može biti promijenjena do Sudnjeg dana.” I rekao je da je Bog njega poslao da islam spasi od svih vrsta opasnosti. On je bio jedan veliki sluga Muhammeda, s.a.v.s. Došao je s uputom od Boga i sjedi na stolici sudije pravde i odlučuje među muslimanima o njihovim razlikama. On je očistio islam od sve ove prašine i nečistoća koje su vremenom prekrile stvarno lice islama. Pokazao je i stvarnu ljepotu islama kao svjetlo mjeseca 14. noći (kad je u punom sjaju i veličini). On je sa zdravim i logičnim objašnjenjima razjasnio sva proročanstva Muhammeda, s.a.v.s.: o Imamu Mehdiju, o budućnosti, o DEDŽALU, i on je s dubokom mudrošću dokazao da su se sva ova proročanstva ispunila. On je objasnio šta je DEDŽAL i kako da se borimo protiv njega i kako da ga uništimo i da izborimo pobjedu za islam.

Ako svijet hoće da dobije spas, on se mora vratiti Bogu. Nema druge alternative za spas. Hazreti Mirza Ghulam Ahmad je otvoreno upozorio cijeli svijet da će se dogoditi mnogi veliki ratovi i da će mnoga krv biti prolivena. Ove informacije je dobio od Boga. On je ovim riječima upozorio cijeli svijet:

“O Evropo, ti nisi mirno mjesto. I, o Azijo, ti isto tako nisi sigurno mjesto. O ljudi, stanovnici ostrva, ne postoji nijedan vaš izmišljeni bog koji vam može pomoći. Ja gledam gradove kako padaju i uništena naselja. Jedini Bog je šutio dugo vremena. A pred Njegovim očima su počinjena odvratna i gnusna djela. I On je opet šutio. No, sada će se On javiti sa svim Svojim gnjevom i On će pokazati Svoje moćno lice. Vrijeme za ovo nije daleko. Ko ima uši, neka čuje da to vrijeme nije daleko. Ja sam

se trudio da ujedini sve ljude pod Božiji spas. To je bila odredba koja se morala ispuniti. Ja vam kazujem cijelu istinu da se bliži određeni rok ove zemlje. Vi ćete svojim očima vidjeti Nuhovo vrijeme. I vidjet ćete svojim očima priču o Lutu. A Bog je spor u svojoj kazni. Tražite oprost da dobijete Božiju milost. Ko god je napustio Boga on je kao mrav, a ne ljudsko biće. Ko god se ne boji Njega, nije živ, nego mrtav.”

(Haqiqatul wahi, str. 256-257)

Ahmadijat ne daje samo vjerovanje i razmišljanja, nego također je osigurao sistem koji je vrlo važan za služenje islamu. U islamskoj terminologiji mi ovaj sistem nazivamo **halifat**. Bez ovog sistema teško je spasiti islamski zakon i učenje. Poslije smrti Muhammeda, s.a.v.s., najveća tragedija je bila kad je s njihovih ruku nestao sistem halifata i najveći dio svijeta je izgubio ovu Božiju blagodat. Ovaj sistem može samo biti uspostavljen Božijom voljom i ljudi ne mogu ni na koji način uspostaviti sistem halifata; to je jedino u Božijim rukama i u Njegovoj moći. El-hamdu-lillahi hazreti Mirza Masroor Ahmad, peti je halifa hazreti Mirze Ghulam Ahmada. Kad vidite druge 72 sekte islama one su bez ove Božije blagodati. Ovo je velika milost od Boga da Ahmadi imaju ovu Božiju milost i Božiju blagodat. Pod halifa-tul-Mesihom svi muslimani svijeta su ujedinjeni i imaju jednog vođu. Danas mnogi muslimani traže rješenje za svoje probleme. Mnogi muslimani nas pitaju kako se možemo ponovo ujediniti? Kako možemo ponovo imati jednog vođu za sve muslimane. Zato im mi dajemo ove radosne vijesti – da Allah nije ostavio muslimane bez pomoći i upute. Tu je jedan vođa za sve muslimane. Tu je jedan halifa za sva ljudska bića. Na njima je da otvore svoje oči i jave se i prihvate ovog halifu. Jer ovaj halifa je od Boga i on je došao radi nas; ovo je jedna od najvećih Božijih blagodati koju je Ahmadija džemat dao i donio ovom svijetu.

Ahmadija džemat širi islam širom svijeta pod vodstvom halife. I svaki dan zemlja islama raste, a zemlja neprijatelja

islama se smanjuje. I mi vidimo ispunjenje Božijeg obećanja koje je dao Muhammed, s.a.v.s., prije 14 stotina godina:

أَوَلَمْ يَرَوْا أَنَّا نَأْتِي الْأَرْضَ نَنْقُصُهَا
مِنْ أَطْرَافِهَا

*“Zar oni ne vide da Mi uništavamo zemlju
(nevjerničku) umanjujući je s njezinih krajeva.”*
(R’ad: 42)

U svijetu ne postoji nikakav sistem koji može donijeti plod bez žrtvovanja. Hiljade je Ahmadi muslimana koji podnose finansijske žrtve za islam. U cijelom svijetu nema ovakvog primjera među drugim ljudima. Svaki Ahmadi musliman se obavezuje da će redovno svaki mjesec plaćati 1/16 (jednu šesnaestinu) do 1/3 (jednu trećinu) svog mjesečnog prihoda za širenje islama. Onda i žene imaju svoj način i vid žrtvovanja, npr., kad Džemat planira da gradi džamije negdje u svijetu, mnoge žene daju svoj nakit za gradnju džamija. Imamo dosta primjera kad su žene za sebe ostavljale samo jedan vjenčani prsten za uspomenu, a sav ostali nakit darivale za džamiju. Ahmadi djeca isto tako uzimaju učešća u ovom žrtvovanju, dajući dio svog džeparca. Pobjeda islama je sada vezana za ovo žrtvovanje – za žrtvovanje ovih muškaraca, žena i djece. Pobjeda islama je vezana za ove misionare koji su napustili svoju domovinu, svoje roditelje, prijatelje i rodbinu, i otišli u daleke zemlje da mogu pozivati ljude u islam i pod vodstvo jednog halife. Čak su neki od njih umirali van svoje domovine. U historiji Ahmadijata bilo je tako teško vrijeme da su neki misionari ostajali u tim stranim zemljama po 30 godina a da ne posjete svoje najbliže, čak ni žene, djecu, roditelje – jer nije bilo sredstava za njihov put. Oni su sa svojim bližnjima bili samo u mislima, i u najtežim momentima bolesti ili smrti nisu mogli biti fizički s njima. Sve ove žrtve su podnijeli i danas podnose u ime spasa čovječanstva. El-hamdu lillahi, oni su bili u stanju spasiti jedan dio ljudskog roda. Danas Ahmadija džemat prenosi poruku islama u više od 180 zemalja širom svijeta. Stotine je

misionara koji rade u mnogim zemljama svijeta. Hazreti halifa-tul-Mesih IV je 1987. godine započeo jedan program da Ahmadi treba da posvete svoju djecu služenju islama prije nego što budu rođeni. Ta djeca se nazivaju *Waqfe nau*. Više od 26.000 djece je već obuhvaćeno tim programom. Oni će služiti kao misionari, ili doktori, ili inženjeri za Džemat, za korist i dobrobit ljudi širom svijeta.

Džemat je već objavio prijevod Časnog Kur'ana na 57 jezika, a na više od 100 jezika izabrane ajete iz Časnog Kur'ana i hadisa. Mi imamo literaturu na svim glavnim jezicima svijeta. Više od 13.000 džamija je izgrađeno širom svijeta. U Africi je Džemat otvorio 373 škole, pet koledža, 36 bolnica i svake godine se broj povećava. Svi ljudi mogu doći u ove ustanove da se liječe ili školuju. Mi ne tražimo i ne očekujemo ničiju zahvalnost, jedinu nagradu očekujemo od Allaha. Džemat također pomaže ljudima gdje god je kakva nesreća – poplava, zemljotres ili slično – pružajući svaku pomoć koja je potrebna ljudima, bez obzira na njihovu vjeru, rasu, stalež ili bilo šta drugo.

Na kraju, želim spomenuti još jednu blagodat koju nam je Allah, dž.š., podario, a to je da imamo svoju satelitsku TV-stanicu i ona je jedini glas islama u svijetu. Prije 100 godina Imam Mehdi je dobio Objavu od Boga koja je glasila : **“*Ja ću prenijeti tvoju poruku do svih uglova svijeta.*”** Preko ove TV-stanice mi smo svjedoci ispunjenja ovog obećanja. Ona oglašava: *‘Mesija je došao, Mesija je došao!’* Ovaj glas je već stigao do vas. Ovaj glas vas poziva prema Bogu i prema islamu. Prije 115 godina ovaj glas je krenuo iz Kadijana i mi ga sada slušamo u cijelom svijetu. Mi hoćemo da podijelimo ovu Božiju blagodat sa vama. Na vama je sada da poslušate ovaj glas i da prihvatite imama vašeg doba i da budete spašeni. Prirodno je da za istinu čovjek treba podnijeti žrtve. Za ovu istinu moramo biti spremni podnijeti žrtve i vidjet ćete da vaše žrtve neće biti uzaludne; one će vam donijeti plodove. Ne postoji drugo sigurno mjesto van Ahmadija džemata. Zato je Imam Mehdi, a.s., rekao: **“*Potrcite prema meni, u ovome je hajr.*”**

U jednoj svojoj poemi Imam Mehdi, a.s., kaže: **“Požurite prema meni, svud okolo su divlje zvijeri, ja sam spasitelj.”**

Budite među onima koji će biti spašeni.

Amin.

*(Govor Wasima Ahmada, misionara u BiH,
na Godišnjem skupu – 'Dželsa salana' – 2004. godine)*

Ako želite više informacija o Ahmadija muslimanskom džema'atu, preporučujemo Vam slijedeću literaturu na bosanskom jeziku:

Filozofija učenja islama • Osnovne i bitne informacije o Ahmadijanstvu • Istina o Ahmadijama i njihovom svetom osnivaču • Knjiga o namazu • Preporod vjere • Ljubaznost Časnog Poslanika prema djeci • Ahmad i Sara • Ahmad i Sara idu u džamiju • Molba za našu braću i sestre • Zašto sam postao Ahmadi • Poruka mira • Ahmadija muslimanski džema'at – kratak uvod • Odgovor na primjedbe protiv Ahmadija i njihovog osnivača • Naše učenje • Odabrane izreke iz Časnog Kur'ana • Odabrane izreke Časnog Poslanika Islama • Odabrane izreke Časnog Mesije • Hazreti Ahmad – Obećani Mesija • Halifat u Ahmadijatu • Testament • Letke na različite teme: Isa, a.s.; Islam; Ahmadija džema'at; Obećani Mesija i t.d.

Bilo kakve informacije o Islamu ili literaturu na raznim jezicima možete dobiti na slijedećim adresama:

Bosna i Hercegovina:

Mesdžid Baitul-Islam
Tuzlanska 1b
71000 Sarajevo
Tel. 00-387-33-612612

Belgija:

Brusselstraat 3
1700 Sint-Ulriks-Kapelle
(Dilbeek), Brussels
Tel. 00-32-2-4666856

Holandija:

De Moskee
Oostduinlaan 79
2596 JJ, Den Haag
Tel: 00-31-703-242881

Kanada:

Baitul – Islam
10610 Jane Street
Maple, Ontario
L6A 3A 2

Švedska:

Nasir Moske
Tolvskillings Gatan 1
414-82 Gotenborge
Tel: 00-46-31-414044

Švicarska:

Mahmud Moschee
Forchstrasse 323
8003 Zurich
Tel: 00-411-3815570

Njemačka:

Genfer Strasse 11
60437 Frankfurt am Main
Tel: 00-49-69-50688600
Fax: 00-49-69-50688666

Norveška:

Ahmadiyya Muslim Mission
Frogner VN 53
0266 Oslo 2
Tel: 00-472-244718

Velika Britanija:

The London Mosque
16 Gressenhall Road
London SW 18 5QL
Tel: 00-44-20-8870-8517

